

Gvangjsih Minzcuz Bau

ganbbau: CN45-0036 B.2015 Nd.6 Ng.3 liggaueq ietfeih nienz ndwenseiq cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3176期

Lungzanh: Haibo《Sinhvwnz Vahcuengh Lungzanh》

隆安:开播《隆安壮语新闻》

5 nyied 20 hauh, Lungzanh Yen Gvangjbo Densidaiz doiok aen lanzmuz 《Sinhvwnz Vahcuengh Lungzanh》, bouxawjbo daenj ndangdaenj minzcuz, aeu Vahcuengh dangdieg (Vahcuengh Lungzanh Yen Cwngz-siengh Cin), vunzlai dangdieg faenfaen souyawj, ganglwnh gig lai.

Ciuq cam rox, Lungzanh Yen miz 40 fanh vunz Bouxcuengh, ciemq vunzsoq daengx yienh 96%, vunz dangdieg aeu Vahcuengh doxgyau lai,

vunz Bouxcuengh maqmuengh miz densi cizmuz vah dangdieg. Aen yienh neix haibo densi lanzmuz 《Sinhvwnz Vahcuengh》, cobouh guh ndaej daengz hawj vunzlai mboujdanh “dingq ndaej nyi, yawj ndaej raen”, vanzlij “dingq ndaej rox, yawj ndaej rox”, neix doiq saedyienh aen muzbyauh “hawj sing dangj nem guekgya ndaej haeuj cien ranz fanh hoh” miz yungh gig lai.

Aen lanzmuz 《Sinhvwnz Vahcuengh Lungzanh》neix moix geiz book

15 faencung, moix singgeiz guh sam geiz. Neiyungz dwg aeu Vahcuengh bo 《Sinhvwnz Lungzanh》 ngoenz gonq, moix singhgiz ngeih, seiq, roek 21:00 bo baez daih'it, moix singhgiz sam, haj 8:00、13:00 bo baez daihngieih. Duenh baihlaeng neix, aen yienh neix lij laebdaeb gyarengz guh hong ok cizmuz Vahcuengh, ceng youq ndaw gvangjbo, denyingj, densi cungj miz cizmuz Vahcuengh book.

(Veiz Yenzfuz/韦元福)

SIUSIK DINJ

简讯

● 5 nyied 29 hauh, Swcigih Sinhvwnz Cuzbanj Gvangjden Giz Senhconz Guenjieix Cu daengz Lungzlinz Gak Cuz Swciyen Dwz-ngoz Cin Denzba Cunh, soengq doenghyienh nem huqleix gungh dij fanh maenz hawj ndaw cunh aen ranzlwngnyez nem gyoengq nyez Myauzcuz louzmbanj, hawj gyoengq nyez Myauzcuz louzmbanj ndaej angq gvaq ciet.

(Loz Mingzgaui)

● Yaek daengz gauhgauj lo, Duh'anh Yauzcuz Swciyen daj caizcwnz ndaw yienh bued ok 33.92 fanh maenz dangguh cienzngaenz bangbouj gaujswng h gya yingzyangj. Ndwade, bued hawj Duh'anh Gauhcungh 13.12 fanh maenz, Duh'anh Yauzcuz Cungh-yoz 8.232 fanh maenz, Duh'anh Daihngieih Gauhcungh 9.936 fanh maenz, Duh'anh Cizyez Gyauiyuz Cungsim 2.632 fanh maenz.

(Lanz Fuzgvanh)

● 5 nyied 27 hauh banhaemh, Denzyangz Yen Youwzyenz youq Denzyangz Yen Baeuqroxdoh Vwnzva Cungsim daliidanz gawj-hengz hoh“roek it”vwnzyi yienjok, gyoengq nyez ndaw youwzyenz neix yienj le 20 lai aen cizmuz maenhndei hawj bouxyawj ngonz ndaej gvaqyinx.

(Vangz Gozsun)

● 5 nyied 28 hauh banhaet, Vuzcouh Si Minzcunghveij lienzhab Vansiu Gih Nancungh Segih “ranz minzcuz” daengz Vujfangj Siujyoz yawj hagseng saujsu minzcuz ranz gungzhoh, fat le daehsaw, habbit, yienzbit daengj doenghyienh vwnzgi dij 2500 lai maenz de hawj ndaw hagdanz neix 15 bous hagseng saujsu minzcuz ranz gungzhoh.

(Liuz Gozwnj)

● Gaenh bi daeuj, Denhdwngi Yen doenggvaq gak cungj banfap comz ndaej 2.24 ik maenz guh roen lajmbanj. Ndwade, caeuq baihgwnz ceng ndaej cienzngaenz 5445 fanh maenz, guh 651 diuz roen mbanj gaep, gungh raez 1953 goengleix; caeuq guekgya ceng ndaej cienzngaenz 1500 fanh maenz, youq lajmbanj bu suijniz coq roen ndaw mbanj 36 diuz gungh 45.75 goengleix.

(Vangz Lilanz)



Yungzsuij: Gyoengq Nyez Myauzcuz Angqcoux Cietlwgnyez

融水:苗娃喜迎“六一”儿童节

5 nyied 28 hauh, Yungzsuij Myauzcuz Swciyen Minzcuz Siujyoz gawjhengz hozdung doxdax doeg sei, baez neix aeu “siengjmuengh Cungguek, sei ceiq ndei ndawsim gou” guh cawjdaez. Ngoenzde, gyoengq hagseng ndaw hagdanz neix doenggvaq yienj gij cizmuz miz minzcuz daegsaek, angqcoux “roek it” cietlwgnyez. Ndwadoz dwg aen hagdanz neix gyoengq nyez Myauzcuz cingq byaujyenj cizmuz minzcuz.

(Gungh Siengzyouj/龚祥友 ingi)

Nanzningz Si Yinzda Diuyenz Hong Sawcuengh Ndaw Si

南宁市人大调研该市壮文工作

5 nyied 27 hauh banhaet, Nanzningz Si Yinzda Cangzveijvei fucujyin Liuz Yungz daiqlingx diuyenzcuj bae daengz Vujmingz Yen diuyenz hong Sawcuengh. Nanzningz Si Yinzda Cangzveijvei Vaigyauz Minzcunghveij、Fazciveij, Si Minzveij fucujyin Vangz Lu nem Si Minzyijveij bouxucwz camgya diuyenz.

Youq guh diuyenz duenh de,

Liuz Yungz gyoengqde daengz Daibingz Cin Gingloz Siujyoz、Vujmingz Yen Minzcuz Cunghyoz nem gai daeuz ndaw yienhsingz cazyawj gij cingzgvang yungh Sawcuengh, cam gij cingzgvang hengzguh minzcuz yijvwnz fazgeih cwngcwz, caemhcaiq ciuhai codanz-vei, dingq minzcungh、gyauyuz、gvangjden、gungh'anh、gyauhdungh daengj bumwnz lwnhgangj cingz-

gvang guh hong Sawcuengh, lij dingq le bouxucwz Gvangjsih Sawcuengh Yozyau caeuq bous daibyauij Cuengh Gun song saw vah yozyau gangj yigen nem genyi. Diuyenzcuj cwngzyenz doxgyau doxyaeng baezlaeng baenzlawz guh ndei saeh laebfap guenjieix ndawbiengz yungh Sawcuengh.

(Banh Bingciz/潘炳辰)